

IZVJEŠTAJ O RADU UDRUŽENJA u 2015. godini

1. Trentini nel mondo u saradnji sa Dobrovoljnim vatrogasnim društvom Cles napravili su kalendar za 2015. godinu sa ilustracijama dobrovoljnih vatrogasnih društava u mjestima gdje žive Trentinjani. Udruženje Rino Zandonai Tuzla je dostavilo fotografije DVD Gornja Tuzla i fotografije su objavljene u kalendaru. Udruženje je dobio dva primjerka kalendara, a jedan je predat DVD Gornja Tuzla.
2. Udruženje Italijana u Štivoru tradicionalno svake godine organizuje maškare, a u 2015. maškare su održane u subotu 14.2.2015. godine. Predstavnici udruženja iz Tuzle su bili gosti manifestacije.
3. Udruženje "Rino Zandonai" je prijavio projekat "Mjesec dana renesanse u Tuzli" koji je prihvaćen od Grada Tuzla koji je izdvojio 1.500 KM. Otvaranje izložbe je bilo 24.11.2015. godine u 18.00. Prvo je održana prezentacija u formi okruglog stola koji su vodili slikar Goran Kovačević i akademik Enver Mandžić. Na otvaranju izložbe je bilo prisutno oko 40 posjetilaca. Ukupno četiri medijske kuće su pratile otvaranje izložbe a učesnici izložbe su davali izjave koje su prenijeli lokalni mediji (Kameleon, RTV 7, RTV Slon, RTVTK i Radio Valentinovo). Povodom održavanja izložbe, predsjedavajući udruženja je bio gost u programu RTV TK u ponedjeljak 30.11.2015. Dnevni list Oslobođenje je objavilo reportažu o događaju u nedjeljnom izdanju od 6.12.2015.
4. Udruženje građana italijanskog porijekla „Rino Zandonai“ Tuzla po šesti put je organizovalo „Dan italijanske kuhinje u Tuzli 2015“ u okviru manifestacije „Ljeto u Tuzli“. Prezentacija i degustacija italijanskih jela je bila u subotu 5.9.2015. u 19.00 na trgu kod Meše i Ismeta - ispred kina Centar.
5. Putem udruženja Trentini nel mondo stigla je obavijest 13.10.2015. da se prijave kandidati koji su na spisku za program socijalne pomoći, kao što se to radilo i prethodnih godina. Udruženje je realizovalo snimanje socijalnih kartona kandidata za pomoć putem socijalne radnice udruženja Sanja Marković. Prijedlozi su podržani i svi sa liste kandidata su primili novčanu pomoć.
6. Članovi udruženja su bili učesnici na radionici PLOŽAJ MIGRANATA - PROPUSNOST GRANICA I MOBILNOST RADNIKA održana u Trentu 23.-24. oktobra 2015. Članovi udruženja Rino Zandonai Tuzla Željko Mott, Ivana Mott Bašić, Martina Senkas i Antun Mott, učestvovali su na seminaru-radionici, u organizaciji UNAIE, EZE i ASOCIJACIJE TRENINO NEL MONDO I kao gost članovi EVROPSKE KOMISIJE ZA FINACIJE.
7. Predsjednik udruženja prisustvovao sahranama članova udruženja.
8. WEB stranica udruženja se redovno održava, i povremeno se stavljaju obavijesti na facebook grupu Tuzlanski Trentini.

FINANSIJSKI IZVJEŠTAJ za 2015. godinu

Udruženje je uredno prijavilo godišnji obračun za 2015. godinu kod nadležne Porezne uprave Tuzla.

Bilans uspjeha pokazuje rezultat primitka sredstava u iznosu od 2.748,00 KM.

Bilans stanja pokazuje iznos sredstava koji je ostao na raspolaganju 31.12.2015. godine: a to je 100,00 KM.

Kao i svake godine, izvori sredstava su projektni fondovi uglavnom domaćih donatora. Sredstva socijalne pomoći se ne realizuju preko računa Udruženja nego se isplate vrše direktno na račune korisnika. Udruženje nema poreskih dugovanja.